

08 我欲選市長

鄭昱蘋¹

暗頓食煞，阿勇佇客廳共厝裡的人宣佈：「我欲選市長！」阿爸講伊猶未滿十八歲都無投票權咧，欲按怎選市長啦！讀國中的阿姊佇邊仔笑伊頭殼歹去，阿勇真正經共逐家說分明。

原來是個學校一年一擺會舉辦市長的選舉，這是為著欲培養學生民主的素養，予學生因仔參與選舉的過程。這個活動干焦六年仔的學生才有資格出來選市長，啊五、六年仔的學生逐个人攞有投票權。欲出來競選市長的人，愛先經過全班的同學初選通過，才會使代表個彼班出來選市長。六年仔總共有九班，所以就有九個市長候選人。候選人有兩禮拜的時間通佇學校內底貼宣傳單、換票。頭一個禮拜二的早起時，候選人愛佇五、六年仔的學生面頭前發表政見，替個家已換票。等到第二個禮拜五的早起時就投票，一人一票，投票的時間干焦一點鐘爾爾。閣來是開票、唱票，尾仔會共票數和當選的候選人公佈佇學校的公佈欄佮網站。啊佇投票進前，所有的候選人攞愛先共個貼的宣傳單收予清氣。

「諄！無簡單呢！」阿公共阿勇比一肢大頭拇。阿母問阿勇伊的政見是啥？阿勇講：「阮的政見袂使烏白講喔！

我第一個政見就是中晝歇暍的時，愛開放予阮遮的學生攞手機仔、耍電動；第二個是拜六禮拜袂使出功課予阮寫，按呢阮才有時間通出去拍球、運動佮看冊抑是和同學去迤迤。」阿姊第一個跳起來拍嘆仔贊成。阿母講恁頂晡上半工的課，閣再講飯食煞人猶神神，敢真正閣有法度攞手機仔？

阿姊問阿勇講：「你若選有牢，你的政見敢真正會實行？因為我上無愛歇暍日寫一堆功課啦！」阿勇講：「毋管啥人當選學校的市長，阮的政見攞是提來參考的爾爾。」伊一下講煞，阿姊喝一聲：「啥物？」隨覆佇桌頂咧假哭，但是阿爸、阿母的面色若像有小可仔較輕鬆矣。阿勇行倚來阿姊的邊仔講：「你等我真正做市長的時，我的政見一定袂跳票！」

¹鄭昱蘋(pîn)